

太谷縣志

五



太谷續志弁言

志曷為乎續曰倣太原有續也蓋
邑有志猶國有史纂修鉅典不可
一日不備安見吏治民風僅存前
徽遂俾繼起者不續耶太谷民素
勤耕織惜刁悍健訟驚風未馴耳
予於癸巳冬受

命泣事見積饒者半耕半而鼠雀雖
簡驚風猶故謂兵燹後利用懷柔

饑饉後利用保乂二年間倦倦嘉

興休息居無何隣境蝗而太谷幾

中牟矣隣境旱而太谷幾平原矣

隣境疫而太谷無貽臺矣未幾而

中澤歸鴻曰爰得我所未幾而公

庶集鴉曰群焉我依農人報我以

嘉禾曰雙穗生穀古史未多書也

乃水停城圍竈半沉蛙予為請於

上臺劄開水門積年停泓用灌吸

前害民者疏以利民賓館甚湫隘
舊且西側予乃式廓而南面之用
以倒廨用以下榻曰式我大賓
文昌祠舊蔽於木士剝爨撤而弘敞
之南門原向巽以迎風氣後改正
離科目遂寥寥予始開離開巽門
焉內而以署之敞外而神祠之顏
相繼建葺庶幾百廢漸舉至若城
水并鹵皆不可餒自水門開後不

二

煩洵汰萬井頓其水性丕變如
此繁穰父老乃歸功於予予曰天
之既也地之靈也億萬家之福也
予何力焉父老曰淵可徙鯉河可
渡席音可變臬埃未有功在萬世
如我以開水門一役者請作續志
記之併紀前猷予曰可遂付剞劂
氏
文林郎知大谷縣事新市郝應第

維三氏撰并書



太谷縣志目錄

自萬曆二十四年丙申起至崇禎十七年甲申止

城池

公署

廟宇

文廟

官屬

各宦

鄉舉

歲貢

武職

鄉賢

孝子

貞烈金義婦

馳封

災異



太谷縣志

城池

南甕城門舊係東南向巽萬曆間知縣楊呈秀改
建於正南向離

崇禎十五年知縣何景雲四城門外各建敵樓一
座高二丈濶四楹旋廢

公署

縣治前鼓樓萬曆間知縣楊呈秀建磚臺高數尋
上建層樓層宇凌空軒窓豁目每一登覽百里之

太谷縣志卷上



二

境如在目中頗其額曰欲攀天柱祀梓童帝君於
其上

廟宇

魁星樓在城頭東南南萬曆間知縣牛維羅建
喬賈二公生祠舊建于北門外建城西崇禎五年
因寇起南山有碍城守改建于城武場東

文廟

文廟歲久傾圮崇禎五年訓導郭一蘭捐俸重修
舊東西廡各一門是年每廡新開二門從祀

俱置木主磚甃供俾鍤鑄香爐燭臺櫺星門
西南各樹柵欄復樹下馬牌二

祭品 今廢 鄉飲器皿 今廢 書籍 今廢

官屬

知縣

黃芬新野人由進士任

牛維耀商州人由進士任

許茂樞靈保人由舉人任

賈毓祥平度州人由進士任

太谷縣志卷士



三

楊呈秀華陰人由進士任

祝名先黃岡人由舉人任

張書紳三原人由舉人任

栢福兆臨清州人由舉人任

王策文安縣人由舉人任

劉芳聲陝西人由舉人任

賈同春綏德人由舉人任

何景雲廣東人由舉人任

典史

黃卷

路三蛟

秦明善

秦守政

呂太和

教諭

石維翰

柴茂楨

柳有輝

太谷縣志卷士

四

李久植

訓導

郭一蘭

嚴爾泰

柴景賜

名宦

黃芬由進士任有追風逐電之才止水冰壺之

操蒞政勞瘁卒於官民哀之如喪考妣

賈毓祥山進士任居官剛方正大飲水茹蘗

不取尤多惠民善政至今人有父母之思建上祀之

鄉舉

任梓巳酉科中第九名

王隆戊午科中式任韓城知縣

武維周甲子科中式任大城知縣殉難贈光祿寺

少卿配享京都三忠祠大城名宦祠本縣鄉賢

祠

賈一梧崇禎癸酉科中式任萬年縣知縣

韓宗文癸酉科中式

歲貢

潘一鳳 董應文 武成周

武國清任固原州同知 高士元 孫重光任滕縣縣丞

張翰 李其潔 車思廣

王業 喬維梧 柳廷棟

白耀然 吳就恒巳卯副貢任吳江縣知縣

武舉

芳戊午科中式

孟之晉辛酉科中式

侯 珏辛酉科中式

冉成勇辛酉科中式

李可則庚午科中式

吳應禱己卯科中式

范應鎮壬午科中式

鄉賢

武維周本縣正西二里人出舉人任順天府薊州

大城縣知縣在任三載守城有功中久身死蒙



閣部楊嗣昌題請叙卹仲子廩生武昌齡赴闕

泣奏奉旨是城守著勞委宜優卹特贈光祿寺

少卿仍卹葬二十兩詔命一道配享京都三忠

祠

孝子

孔進賢邑庠生事父母至孝父母病侍湯藥晝夜

不解衣帶

龐大中咸陽都民人父發逝事母至孝每買步所

得必進房手不令妻子見也鄉二為善成

分已產終身無間嫁三妹教養甚厚子子
嫁務從省約邑人義之

貞烈並義婦

武舉年一喪妻杜氏因夫在外地方奉事翁姑其
翁病篤求醫數數罔效氏焚香祈祝割股收膏
本縣相翁賜扁仍申院旌獎

喬氏係杜我妻克盡婦道素好施濟夫故撫養幼
男杜希張萬曆間邑令黃公驟沒氏命渠將已

預脩壽木時之聞學鄉耆具呈本縣賈 看得
施棺木於康慶安殯可謂仁心慕義者矣况又
助粟濟饑焚行班班也宜聞長厚之光以爲水
災之愧給扁茲屬仍申巡按劉 世熊文琮賞
姻新而乘傳獨喬氏女子體念故令慷慨尚義
平生篤厚族里親戚可知末世難覩賢德足嘉
應獎

郭氏咸陽郡生員龐世淳祖母夫蚤喪守節四十
餘年教子孫勤耕讀里人共嘉貞節

廸封

武競以子與周貴贈文林郎東城兵馬司兵馬并

妻高氏

勅曰士有明經行修而不及身致其用則其後必有達人此天道也法天子善國有彛章爾武競乃東城兵馬指揮司副指揮與周之父敦詩說禮慕義好施學不逢年試竟迷於五色富而好禮德活奚止於千人爰開闔衛之良式奏千揆之績是用贈爾爲文林郎祇服廷綸增輝廟祐

勅曰慈母教子功齊嚴父乃子欲養而親不在惟微只一之綸庶慰風木之恨爾高氏乃武與周之母華胄凝姿儒英作儼鍼紉兼綜圖史稱博士于女中菽丸督課詩書儼明師于堂比瞻此檄巡之績繁惟鞠誨之詒是用贈爾爲大孺人寵賁玄壙芳流彤管

萬曆四十八年三月二十九日

吳應奎以子承嗣貴贈徵仕郎保定前衛經歷司經歷并妻孟氏

勅曰朕旌勞臣必週其所生矧武畧素嫻不
顯而式似于後者乎褒典宜首及之爾武舉應奎
乃保定前衛經歷司承嗣之父韜畧蟠胸雅謀震
世武闡得雋共推學富甲兵翼子象賢更能輔成
鎖鑰恩覃無外榮及所尊是用贈爾階徵仕郎經
歷服茲休命用闡潛輝

勅曰人臣捧檄而出三釜之養既違罔極之恩曷
報惟冀愍綸以紓永慕爾孟氏乃吳承嗣之母順
以爲政愛而能勞拮据相夫偉鸞揚之選恩勲育
孺人光生宿草慕慰核蘭

吳承嗣并妻車氏勅命

勅曰國家建軍衛設泰慕之臣意在佐其要領董
其虛實厥任固匪輕焉矧三輔之重地乎爾保定
前衛經歷司經歷吳承嗣敏諫長才端凝重器初
試花封于河北再祭蓮幕于燕南而爾能悉心殫
力固圉銷萌以壯日畿之金湯厥功茂已是用授
爾階徵仕郎錫之勅命於戲東夷未靖朕思得

幹之臣安內以接外而爾業有成效其宛圖之凡
稱與爾設墓之意可為欽哉

勅曰良吏戴星出入以勤王事何暇內顧必其昏
有室以相之而貽厥成焉爾係定前衛經歷司經
歷具承嗣妻車氏閨門淑質君子好述常修鳴珮
之儀每效祝弋之儼官業既成恩綸宜遠是用封
爾為孺人榮膺綸綍益屬祈釐

天啓三年九月三十日

武維周誥命

太谷縣志卷十



十

制曰朝廷有郵費以待大僚而鮮及外吏制也然
或功高乎保障身殞於封疆亦豈靳乎爾原任順
天府霸州大城縣知縣武維周才雄製錦政警鳴
琴威騰孔邇之歡茂播循良之譽時值寇氛薦食
力守孤城用是拮据勞渫乃爾驅馳疾作鞠躬盡
瘁歿於王事茲特贈爾為光祿寺少卿仍卹銀二
十兩錫之誥命揚崇階於綸綍彰異數於泉臺式
振頽風榮舊奕世

崇禎十三年九月二十九日

災異

崇禎十三年飛蝗蔽空食禾幾既

崇禎十六年城西南隅榆樹生白鴉二滿城老稚
觀者如堵

本年鷓鴣數百巢東南城頭隊伍肅然如守陴堞
本年南塔搖動無微風角鈐鏘然

墓誌

生員孔進賢墓碑邑人韓宗文撰

環橋君葬朝陽東北從父兆也今墓木已拱矣氏

族年譜詳壙中石千百載之弗泐會姚孺人卒其

孟仲子不欲湮沒其先人謀爲樹碣表阡俾後世

攷古者覽遺文而論次其人其人死且不朽走杆

手行實來按狀君諱進賢環橋其字也曾祖諱公

幹生易易生思唐娶智氏生二千次諱賢長爲君

君生而岐嶷頑頑瞻視不常二旬餘補學博弟子

員孝事父母夜必溫清既寢恐履聲索索驚親服

機屏息伺牖外安枕則歸卧否必詢所以父常病

所便冀必視其色知無恙則色喜母患痢疾侍湯

亦不解衣帶錄科名不赴省闈朝夕周旋畧無倦容父母卒衰毀骨立每飯必尸祝之卽事業師如其父事乳母如其母且口不言貨利貲產計簿皆綜理弟手省試所需索之弟岷卽予其索平生喜飲而不及亂所交皆雅飭士家道繁昌終其身所着皆布衣芒屨客至留飯無踰四器疾紛華靡麗如仇讐至如嚴氣正性一事所爲不當如匪澣衣之於體文宗廉行優君常與之縣公楊贈頌芥視黃金栢贈頌名題施濟學博荆贈頌好德英賢云

歲五十二邁疾彌留終于正寢實崇禎六年十月四日也距生萬曆十年六月二十一日子二長仕魯邑諸生娶吳氏次變魯邑諸生娶胡氏惟君自其曾大父以來積善行義隱德弗耀至君業儒術孝友性成踐履篤實勤儉可以詔後廉靜可以振俗凡徽模懿範俾子若孫有所觀感而興起者豈有旣哉余旣述行狀所載並附予之所知表之于石復系之以銘銘曰公少而厚重長而淳龐衷曲冬日氣宇秋霜孝爲百行之原惟君敦篤之儉爲

持身之要惟君踐履之孰是豪華而非靡麗者君也浮雲富貴蔬水曲肱孰是手足而敦天顯者君也敝屣銅臭感逾紫荆圭璋挺曜川嶽靈暉纂辭錯石垂示將來丘阡安以棲兮宜爾子孫振振兮松栢茂以楹兮宜爾子孫蟄蟄兮

平涼府固原州同知武國清墓誌銘祁邑戴運昌撰

予與公爲夙契亂後久別心竊向往之忽表徑程子振秀向余請曰敝先生方捐館敢丐一言勒石



川垂不朽余聞而傷之詎不獲辭迺爲文以誌按公諱國清字醇熙別號靜寰世爲太谷正西二坊人生而穎異甫成童讀書通大意未弱冠補邑庠弟子員嗣每試居優等入秋闈文既中式竟以限額置取副卷壬戌會恩詔拔貢公應選焉丁卯入闈又中副車公十入秋闈三中乙榜遇而不遇遂莖仕山東兗州府東平州同知州舊有漕河壅滯公疏通漕運設法徵完兩年漕米又調理鹽法捕獲私鹽無筭充公費不取秋毫遇年荒凍餓死窮